

## Великий покаянный канон

У - слы - ша про - рок при - шест - ви - е Тво - е, Гос - по -

ди, и у - бо - я - ся, я - ко хо - щеш - и от Де - вы ро -

ди - ти - ся и че - ло - ве - ком я - ви - ти - ся, и гла -

го - ла - ше: у - слы - шах слух Твой и у - бо -

ях - ся; сла - ва си - ле Тво - ей, Гос - по ди.

**Помілуй мя, Бóже, помілуй мя.**

Дел Твои́х да не презриши, создáния Твоегó да не оставиши, Правосúде, áще и еди́н согреших, я́ко человек, пáче всякаго человека, Человеколóбче. Но íмаши, я́ко Госпóдь всех, власть оставля́ти грехи́.

**П**риближаётся, душе, конец, приближается, и нерадиши, ни готовиши, время сокращается, востани, близ при дверех Судия есть. Яко соние, яко цвет, время жития течёт, что все мятёмся?

**В**оспряни, о душе моя! деяния твоя, яже соделала еси, помышляй, и сия пред лице твоё принеси, и капли испусти слез твоих; рцы со дерзновением деяния и помышления Христу, и оправдайся.

**Н**е бысть в житии греха, ни деяния, ни злобы, еяже аз, Спасе, не согреших, умом и словом, и произволением, и предложением, и мыслию, и деянием согрешив, яко ин никтоже когда.

**О**тсюда осужден бых, отсюда и препрен бых аз, окаянный, от своей совести, еяже ничтоже в мире нужнейше: Судие, Избавителю мой и Ведче, пощади, и избави, и спаси мя, раба Твоего.

**Л**ествица, юже виде древле великий в патриарсах, указание есть, душе моя, деятельнаго восхождения, разумнаго возшествия: аще хощеши убо деянием, и разумом, и зрением пожити, обновися.

**З**ной дневный претерпе лишения ради патриарх и мраз ночный понесе, на всяк день снабдения творя, пасый, труждайся, работая, да две женё сочетает.

**Ж**ены ми две разумей, деяние же и разум в зрении: Лию убо деяние, яко многочадную, Рахиль же разум, яко многотрудную, ибо кроме трудов ни деяние, ни зрение, душе, исправится.

**Б**ди, о душе моя, изрядствуй, якоже древле великий в патриарсах, да стяжеша деяние с разумом, да будеша ум, зряй Бога, и достигнеша незаходящий мрак в видении, и будеша великий купец.

**Д**ванадесяте патриархов великий в патриарсах детотворив, тайно утверди тебе лествицу деятельнаго, душе моя, восхождения: дети яко основания, степени яко восхождения премудренно подложив.

**И**сава возненавиденнаго подражала еси, душе, отдала еси прелестнику твоему первыя доброты первенство, и отеческия молитвы отпала еси, и дважды поползнула еси, окаянная, деянием и разумом: темже ныне покайся.

**Е**дом Исав наречёся, крайняго ради женонействознаго смешения: невоздержанием бо присно разжигаем и сладостью оскверняем, Едом именовая, еже глаголется разжжение души любогреховныя.

**И**ова на гноищи слышавши, о душе моя, оправдавшагося, того мужеству не поревновала еси, твёрдаго не имела еси предложения во всех, яже веси и имиже искусилася еси; но явилася еси нетерпелива.

**И**же пёрвее на престóле, наг ны́не на гно́ищи гно́ен, мно́гий в ча́дех и сла́вный, безча́ден и бездо́мок напрáсно: пала́ту ўбо гно́ище, и бисе́рие стру́пы вменя́ше.

**Ц**а́рским досто́инством, венце́м и багрянице́ю оде́ян, многоиме́нный челове́к и пра́ведный, бога́тством кипя́ и ста́ды, внеза́пу бога́тства, сла́вы ца́рства, обнища́в, лиши́ся.

**А**ще пра́веден бя́ше он и непоро́чен па́че всех, и не убе́же ловле́ния льсти́ваго и се́ти; ты же, грехолю́бива су́щи, ока́янная ду́ше, что сотвори́ши, а́ще чесому́ от недо́ведомых случи́тся наити́ тебе́?

**Т**ело́ оскверни́ся, дух окаля́ся, весь острупи́хся; но, я́ко врач, Христе́, обо́я покая́нием мо́им уврачу́й, омы́й, очи́сти, покажи́, Спа́се мой, па́че сне́га чисте́йша.

**Т**ело́ Твое́ и Кро́вь, распина́емый о всех, положи́л еси́, Сло́ве: Тело́ ўбо, да мя обнови́ши, Кро́вь, да омы́еши мя; Ду́х же пре́дал еси́, да мя приведе́ши, Христе́, Твоему́ Родите́лю.

**С**оде́лал еси́ спасе́ние посреде́ земли́, Ще́дре, да спасе́мся. Во́лею на Дре́ве распя́лся еси́, Еде́м затворе́нный отве́рзися, го́рняя и до́льная тварь, язы́цы вси спасе́ни поклоня́ются Тебе́.

**Д**а бу́дет ми купе́ль Кро́вь из ребр Твои́х, вку́пе и пити́е источи́вшее, во́ду оставле́ния, да обою́ду очища́юся, помазу́ясь и пия́, я́ко пома́зание и пити́е, Сло́ве, живото́чная Тво́я словеса́.

**Н**аг есмь черто́га, наг есмь и бра́ка, кúпно и ве́чери; свети́льник угасе́, я́ко безъеле́йный, черто́г заключи́ся, мне спя́щу, ве́черя снedéся; аз же по руку́ и ногу́ связа́н, вон низве́ржен есмь.

**Ч**а́шу Це́рковь стяжа́, ре́бра Тво́я живонóсная, из ни́хже сугу́бья нам источи́ то́ки, оставле́ния и ра́зума, во о́браз дре́вняго и но́ваго, двои́х вку́пе заве́тов, Спа́се наш.

**В**ре́мя живото́ моего́ ма́ло, и испо́лнено болéзней и лука́вства, но в покая́нии мя приими́ и в ра́зум призови́, да не бу́ду стяжа́ние, ни бра́шно чужде́му, Спа́се, Сам мя уще́дри.

**В**ысокоглаго́лив ны́не есмь, же́сток же и се́рдцем, вотще́ и всу́е, да не с фари́сеом осуди́ши мя; па́че же мытаре́во смире́ние пода́ждь ми, Еди́не Ще́дре, Правосу́де, и сему́ мя сочисли́.

**С**огреши́х, досади́в сосу́ду плóти мое́я, вем, Ще́дре; но в покая́нии мя приими́ и в ра́зум призови́, да не бу́ду стяжа́ние, ни бра́шно чужде́му, Спа́се, Сам мя уще́дри.

**С**амоистука́н бых страстьми́, ду́шу мою́ вредя́, Ще́дре; но в покая́нии мя приими́ и в ра́зум призови́, да не бу́ду стяжа́ние, ни бра́шно чужде́му, Спа́се, Сам мя уще́дри.

Не послушах гласа Твоего, преслушах Писание Твое, Законоположника; но в покаянии мя прими и в разум призови, да не буду стяжание, ни брашно чуждему, Спасе, Сам мя ущедри.

**Преподобная маги Марие, моли Бога о нас.**

Безплотных жительство в плоти преходящи, благодать, преподобная, к Богу велию воистинну прияла еси, верно о чтущих тя предстательствуй. Темже молим тя, от всяких напастей и нас молитвами твоими избави.

**Преподобная маги Марие, моли Бога о нас.**

Великих безместий во глубину низведшися, неодолима была еси; но востекла еси помыслом лучшим, к крайней деяньми яве добродетели преславно, ангельское естество, Марие, удививши.

**Преподобне отче Андрее, моли Бога о нас.**

Андрее, отеческая похвало, молитвами твоими не престаи моляся, предстои Троице Пребожественней, яко да избавимся мучения, любовию предстателя твоего Божественного, всеблаженне, призывающего, Криту удобрение.

**Слава Отцу и Сыну и Святому Духу.**

Нераздельное Существом, Неслитное Лицы, богословлю Тя, Троическое Единое Божество, яко Единоцарственное и Сопрестольное, вопию Ти песнь великую, в вышних трегубо песнословимую.

**И ныне и присно и во веки веков. Аминь.**

И раждаеши, и дествуеши, и пребываеши обоюду естеством Дева; Рождейся обновляет законы естества, утроба же раждает нераждающая. Бог идеже хощет, побеждается естества чин: творит бо, елика хощет.

## Песнь 5

Ирмос:

От но - щи ут - ре - ню - ю - ща, Че - ло - ве - ко - люб -

че, про - све - ти, мо - лю - ся, и на - ста - ви и ме -

## Великий покаянный канон

не на по - ве - ле - ни - я Тво - я, и на - у -

чи мя, Спа - се, тво - ри - ти во - лю Тво - ю.

**Помілуй мя, Бóже, помілуй мя.**

**В** ноші житіє моє преідох прісно, тьма бо бысть и глубока мне мгла, ночь греха; но, яко дне сына, Спасе, покажи мя.

**Р**увима подражая, окаянный аз, содеях беззаконный и законпреступный совет на Бога Вышняго, осквернив ложе мое, якоже отчее он.

**И**споведаюся Тебе, Христэ Царю: согреших, согреших, яко прежде Иосифа братья продавши, чистоты плод и целомудрия.

**О**т сродников праведная душа связася, продася в работу сладкий, во образ Господень; ты же вся, душе, продалася еси злыми твоими.

**И**осифа праведнаго и целомудреннаго ума подражай, окаянная и неискусная душе, и не оскверняйся безсловесными стремленьми, прісно беззаконнующи.

**А**ще и в рове поживе иногда Иосиф, Владыко Господи, но во образ погребения и востания Твоего: аз же что Тебе когда сицевое принесу?

**М**оисеов слышала еси ковчезец, душе, водами, волнами носим речными, яко в чертозе древле бегающий дела, горькаго совета фараонитска.

**А**ще бабы слышала еси, убивающия иногда безвозрастное мужское, душе окаянная, целомудрия деяние; ныне, яко великий Моисей, сси премудрость.

**Я**ко Моисей великий египтянина, ума, уязвивши, окаянная, не убила еси, душе; и како вселишия, глаголи, в пустыню страстей покаянием?

**В** пустыню вселіся великий Моисей, гряди́ убо, подража́й того́ жити́е, да и в купинѣ Божоявлѣнія, душѣ, в видѣнии бѹдеши.

**Моисѣев** жезл вообража́й, душѣ, ударя́ющий мо́ре и огустева́ющий глубинѹ, во образ Креста́ Божѣственнаго: ѣмже мо́жеши и ты вели́кая соверши́ти.

**Аарон** приноша́ше огонь Бо́гу, непоро́чный, нелѣстный; но Офни́ и Фине́с, я́ко ты, душѣ, приноша́ху чуждѣе Бо́гу, оскверне́нное жити́е.

**Яко** тяжкий нра́вом, фарао́ну го́рькому бых, Влады́ко, Ианни́ и Иамври́, душѣю и тѣлом, и погруже́н умо́м, но помози́ ми.

**Ка́лу** примеси́хся, окаяннѣй, умо́м, омы́й мя, Влады́ко, ба́нею мои́х слез, молю́ Тя, плоти́ моея́ оде́жду убели́в, я́ко снег.

**Аще** испыта́ю моя́ дела́, Спа́се, вся́каго челове́ка превозше́дша греха́ми себе́ зрю, я́ко ра́зумом му́дрствуяй согреші́х, не неведе́нием.

**Пощади́,** пощади́, Го́споди, создáние Твое́, согреші́х, осла́би ми, я́ко естество́м Чи́стый Сам сый Еди́н, и ин ра́зве Тебе́ никто́же есть кромѣ сквѣрны.

**Мене́** ра́ди Бог сый, вообрази́лся еси́ в мя, показáл еси́ чудеса́, исцели́в прокаже́нныя, и разсла́бленнаго стягну́в, кровоте́чывыя ток уста́вил еси́, Спа́се, прикоснове́нием риз.

**Крово́течу** подража́й, окаяннѣя душѣ, притецы́, удержи́ оме́ты Христо́вы, да изба́вишися ран и услы́шиши от Него́: ве́ра твоя́ спасе́ тя.

**Ни́зу** снича́щую подража́й, о душѣ, прииди́, припади́ к нога́ма Иису́совыма, да тя испра́вит, и да ходи́ши пра́во стези́ Го́сподни.

**Аще** и кла́дязь еси́ глубо́кий, Влады́ко, источи́ ми во́ду из пречи́стых Твои́х жил, да я́ко самаряны́ня, не ктому́, пийй, жа́жду: жи́зни бо струи́ источа́еши.

**Сило́ам** да бѹдут ми слѣзы моя́, Влады́ко Го́споди, да умыю́ и аз зѣницы се́рдца и ви́жду Тя ўмно, Свѣта превѣчна.

**Преподо́бная ма́ти Мари́е, моли́ Бо́га о нас.**

**Несравне́нным** желáнием, всебогáтая, Дре́ву возжелѣвши поклоні́тися живото́ному, сподо́билася еси́ желáния, сподо́би у́бо и мене́ улучи́ти вы́шняя сла́вы.

**Преподо́бная ма́ти Мари́е, моли́ Бо́га о нас.**

**Струи́** Иорда́нския прешѣдши, обрела́ еси́ поко́й безболѣзненнѣй, плоти́ сла́сти избежа́вши, ея́же и нас изми́ твои́ми моли́твами, преподо́бная.

**Преподобне отче Андрее, моли Бога о нас.**

Яко пастырей изряднейша, Андрее премудре, избранна суща ты, любовию велию и страхом молю, твоими молитвами спасение улучшить и жизнь вечную.

**Слава Отцу и Сыну и Святому Духу.**

Тя, Троице, славим, Единого Бога: Свят, Свят, Свят еси, Отче, Сыне и Духе, Простое Существо, Единиче, присно покланяемая.

**И ныне и присно и во веки веков. Аминь.**

Из Тебе облечёся в моё смешение, нетленная, безмужная Мати Дево, Бог, создавший веки, и соедини Себе человеческое естество.

### Песнь 6

**Ирмос:**

Во - зо - пих всем серд - цем мо - им к щед - ро - му Бо - гу, и у - слы - ша мя от а - да пре - ис - под - ня - го, и воз - ве - де от тли жи - вот мой.

**Помилуй мя, Боже, помилуй мя.**

Слёзы, Спасе, очию моею и из глубины воздыхания чисте приношу, вопиюще сердцу: Боже, согреших Ти, очисти мя.

**У**клонилася еси, душе, от Господа твоего, якоже Дафан и Авирон; но пощади, воззови из ада преисподняго, да не пропасть земная тебе покрыет.

**Я**ко юница, душе, разсвирепевшая, уподобилася еси Ефрему. Яко серна, от тенет сохрани житие, вперивши деянием ум и зрением.

**Р**ука нас Моисеева да уверит, душе, како может Бог прокаженное житие убелити и очистити, и не отчайся сама себе, аще и прокажена еси.

**В**олны, Спасе, прегрешений моих, яко в мори Черном возвращающесея, покрывша мя внезапно, яко египтяны иногда и тристаты.

**Н**еразумное, душе, произволение имела еси, яко прежде Израиль: Божественная бо манны предсудила еси безсловесно, любосластное страстей объядение.

**К**ладенцы, душе, предпочла еси хананейских мыслей, паче жилы камене, из негоже премудрости река, яко чаша, проливает токи богословия.

**С**виная мяса и котлы и египетскую пищу паче Небесных предсудила еси, душе моя, якоже древле неразумнии людие в пустыни.

**Я**ко удари Моисей, раб Твой, жезлом камень, образно животворивая ребра Твоя прообразоваше, из нихже вси питие жизни, Спасе, почерпаем.

**И**спытай, душе, и смотри, якоже Иисус Навин, обетования землю, какова есть? и вселися в ню благозаконием.

**В**остани и побори, яко Иисус Амалика, плотския страсти, и гаваониты, лестныя помыслы, присно побеждающе.

**П**реиди времени текущее естество, яко прежде ковчег, и земли оная буди во одержании обетования, душе, Бог повелевает.

**Я**ко спасл еси Петра, возопивша: спаси, предварив мя, Спасе, от зверя избави, простер Твою руку, и возведи из глубины греховных.

**П**ристаннице Тя вем утишное, Владыко, Владыко Христэ; но от незаходимых глубин греха и отчаяния, мя предварив, избави.

**А**з есмь, Спасе, юже погубил еси древле царскую драхму; но, вжег светильник, Предтечу Твоего, Слове, взыщи и обрящи Твой образ.

**Преподобная матери Марие, моли Бога о нас.**

**Д**а страстей пламень угасиши, слез капли источала еси присно, Марие, душею распалаема, ихже благодать подаждь и мне, твоему рабу.



**Преподобная мати Маріе, моли Бóга о нас.**

Безстрастие Небесное стяжала еси, крайним на земли житиём, мати. Темже тебе поющим от страстей избавитися молитвами твоими молися.

**Преподобне отче Андрее, моли Бóга о нас.**

Критскаго ты пастыря, и председателя, и вселенныя молитвенника ведый, притекаю, Андрее, и вопию ти: изми мя, отче, из глубины грехá.

**Слава Отцу и Сыну и Святому Духу.**

Троица есмь Проста, Нераздельна, раздельна Лишне, и Единица есмь естеством соединена, Отец глаголет, и Сын, и Божественный Дух.

**И ныне и присно и во веки веков. Аминь.**

Утроба Твоя Бóга нам роди, воображена по нам, Егóже, яко Создателя всех, моли, Богородице, да молитвами Твоими оправдимся.

**Ирмос:** Возопих всем сердцем моим:

**Ектения малая, посем кондак, глас 6:**

Душе́ моя, душе́ моя, / востани, что спиши? / Конѣц приближа́ется, / и имаши смутитися; / воспряни́ убо, / да пощадит тя Христо́с Бог, // вездѣ сый и вся исполняй.

**Икос:**

Христово врачевство видя отверсто и от сего Адаму истекáющее здравие, пострада, уязвися диáвол, и, яко бѣдствуя, рыдаше, и своим другом возопи: что сотворю́ Сыну Мариину? Убивает мя Вифлеэмлянин, Иже вездѣ сый и вся исполняй.

**Таже блаженны, глас 6:\***

Во Царст - вии Твоем помяни нас, Гос - по - ди,  
егда приидеши во Царст - ви - и Тво - ем.

\* По традиции поется на подобен «Тридневен».

Разбойника, Христѣ, рая жителя сотворил еси, / на крестѣ Тебѣ возопивша: помяни мя, / того покаянию сподоби / и мене, недостойнаго.

**Блажени нищии духом, / яко тех есть Царство Небесное.**

Маноя слышавши древле, / душе моя, Бога в явлении бывша, / и из неплодове тогда приемша плод обетования, / того благочестие подражай.

**Блажени плачущии, / яко тии утешатся.**

Самсоновой поревновавши лености, / главу остригла еси, душе, дел твоих, / предавши иноплемёнником любосластием / целомудренную жизнь и блаженную.

**Блажени кротци, / яко тии наследят землю.**

Прежде челюстию ослею победивый иноплемённики, / ныне пленение ласкосердству страстному обретесе; / но избежни, душе моя, подражания, / деяния и слабости.

**Блажени алчущии и жаждущии правды, / яко тии насытятся.**

Варак и Иеффай военачальницы / судий Израилевы предпочтени быша, / с нимиже Деворра мужеумная; / тех доблестями, душе, вмужившися, укрепися.

**Блажени милостивии, / яко тии помиловани будут.**

Иаилино храбрство познала еси, душе моя, / Сисара древле прободшую, / и спасение соделавшую, древом острым, слышиши, / имже тебе крест образуется.

**Блажени чистии сердцем, / яко тии Бога узрят.**

Пожри, душе, жертву похвальную, / деяние, яко дочь, принеси от Иеффаетовы чистейшую / и заколи, яко жертву, / страсти плотския Господевы твоему.

**Блажени миротворцы, / яко тии сынове Божии нарекутся.**

Гедеонову руно помышляй, душе моя, / с небесе росу подыми, / и приникни, якоже пес, / и пей воду, от закона текущую, / изгнетением писменным.

**Блажени изгнани правды ради, / яко тех есть Царство Небесное.**

Илии священника осуждение, душе моя, / восприяла еси, лишением ума приобретши страсти себе, / якоже он чада, / делати беззаконная.

**Блажени есте, егда поносят вам, / и изженут, и рекут всяк зол глагол на вы лжуще, Мене ради.**

В судиях левит небрежением свою жену / дванадесетим коленом / раздели, душе моя, / да скверну обличит от Вениамина беззаконную.

**Радуйтесь и веселитесь, / яко мзда ваша многа на Небесех.**